

TEKNOLOGIA

Chromebook-a norentzat da tresna bat?



DIANA FRANCO

Koadernoak, arkatzak... ikasleentzako tresnak dira. Ordenagailuak ordea ez dira berdin ulertzen. Gainera, ikastetxe askorentzat aukera bakarra dago: Chromebook-a. Irakasle, ikastetxe eta Google-entzako tresna bezala diseinatu diren gailuak dira, ez ordea ikasleentzat. Chromebook-ek irakasleentzat konplexutasuna txikitzea dakar, ikastetxeentzat kontrola handitzea, arazoak eta kostuak murriztuz, eta Google-entzat bere negozio eredu dibertsifikatzeko aukerak handitzea. Baina gurasook bi ardura ditugu buruan: behartuta gaudela gure haurrak Google mundura aldatzera, eta gure haurren ikasteko eta harremantzeko moduak enpresa pribatu honen esku egoteak arriskuak izan ditzakeela.

2020. urtean Erresuma Batuan bigarren hezkuntzako ikasketak ebaluatzeko Ofqual algoritmoak %40 jaitsi zuen zenbait ikasleren noten aurreikuspena, irakasleen ebaluazioarekin alderatuta. Jaitsiera gehien igarri zuten ikasleak baliabide gutxiko ikastetxeetakoak izan ziren, algoritmoarentzat ikastetxea arrakastarako aldagaia baitzen eta baliabide gutxiko ikastetxeetako ikasleek gain errendimendu bajurako joera definitzen zuten. Zorionez, algoritmoa auditatu eta atzera bota zuten.

Eremu digitalean gure ikasleek jokabideek sortzen dituzten datuekin elikatuta eta auditatu ezinik hezkuntzan erabiltzen ditugun plataformen adimen artifiziala eta algoritmoak noraino izan daitezkeen gure alaba-seeen etorkizunerako oztopo pentsatzen nabil azkenaldian. Beharbada plataforma horiek alabak egindako bilaketen emaitzetan eragina izango dute, bere etorkizuneko aukerak baldintzatuz. Cathy O'neil matematikan doktoreak hala dio *Suntsiketa masiboko arma matematikoak* liburuan: "Konturatu barik bazterkeria sustatu dezakegu ez badugu gai honetan arreta jartzen". Chromebook-a ez dut nik ikasleentzako tresna bezala ulertzen, haur eta gazteek euren etorkizunean eragiteko aukera gutxiago ematen dizkien gailu bezala ulertzen dut, ordenagailuarekin alderatuta. ●

Isun erraldoia Whatsappentzat

JOXE ROJAS / TEKNOPATAREN TXOKOA

Datuak babesteko Irlandako Batzordeak, DPCK, 225 milioi euroko isuna ezarri dio Whatsappi, datuak babesteko araudi europarra urratzeagatik. Zehazki, arazoa da Whatsappek ezkutatu egiten duela zer eta zenbat datu pertsonal partekatzen duen Facebookekin. Facebookek Irlandan dauka erregistratuta Europa osorako jardueragaratzen duen delegazioa, eta beraz, lege aldetik Irlandako Gobernuaren menpe dago Facebook eta haren jabetzakoak diren Whatsapp eta Instagramen jarduera Europan.

Isuna 2018an hasitako ikerketa baten ondorio da. Zehazki, DPCK batzordea urte horretan hasi zen ikeritzen nola tratatzen dituen Whatsappek bere erabiltzaileen datuak, eta batez ere, zer prozedura jarraitzen duen datu horiek jabe duen Facebook enpresaren esku jartzeko. Zigorra DPCK inoiz ezarritako isunik handiena da, eta Europako pribatutasun araudi berriaren ondorioz

enpresa bati jarritako bigarren handiena. 225 milioiko isuna ezartzeaz gain, agindu argi bat ere eman dio DPCK Whatsappi, erabiltzaileen datuak Europako legedia beteaz prozesatzen (Amazonek 746 milioi euroko isuna jaso zuen uztailean erabiltzaileen pribatutasunarekin lotutako arrazoiengatik).

Whatsappen azaldu dute ez dardela ados erabakiarekin, eta helegitea jarriko dutela, besteak beste isuna neurritz kanpokotzat jotzen dutelako. Duela urtebete, Facebookek Europan zerbitzua emateari utzi egingo ziolako mehatxua egin zuen, Europako araudi berriak eragotzi egiten baitio erabiltzaile europarren datuak Estatu Batuetako egoitza nagusira eramatea.

Irlandako batzordeak dio Whatsapp ez dela batere argia, ez erabiltzaile bakoitzaren zer informazio jasotzen duen, ezta informazio horrekin zer egiten duen azaltzeko orduan. ●

GORABEHERRAK



Arbonako lurren salmenta gelditzea lortu dute ELB-k eta Lurzaindiak.

Eroslea behin betiko erretiratu da. Halere, eragileek Arbona okupatzen jarraituko dute, prozesua bukatu arte. Hain zuzen, erosleak salmenta ez du baztertu eta hiru milioi eurotan saldu nahi ditu etxeak eta lurak.

Langileak esplotatu eta abusuak egin zizkien Irungo jatetxe bateko jabeak.

Mexikotik hiru langile legez kanpo ekarri eta esplotazio baldintzetan izan zituen lanean. Migratzaileen egoera zaurgarria baliatzea haiek esplotatzeko ez da berria, zoritzarrez. Abuztu bukaeran, enpresaburu bat atxilotu zuten Bizkaian, zortzi behargin esplotatzeagatik.

